



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

CXCIV. Der König Rudolph setzt der verwittweten Königin von Böhmen
3000 Mark jährlicher Einkünfte aus.

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

nostri portum recurrimus confidenter, statum nostrum, ac ea, quae circa nos fortunae potentis imperium per vices temporum alternat et variat, ad Vestrae Majestatis notitiam merito deferentes, ut in laetis et prosperis nobis congaudeat, et in adversis vero et tristibus nobis quodam naturalis affectionis instinctu rationabiliter condescendat. Ad vestrae igitur Excellentiae notitiam deferimus querulose, quod illustris O. Marchio N. pacis et amicitiae foedera inter serenissimum Dominum nostrum R. Romanorum regem, Nos, et ipsum inita non attendens, post amicos tractatus et ordinationes habitas hinc inde, et juramentis et litteris confirmatas, ad civitatem Pragensem se transtulit, liberos nostros illustres, univ[er]sa exenia nostra, civitatem et castrum in suam temere redigens potestatem. De quo casu inopinabili sibi providentia nostri consilii de facili praecavisset, si non praedicti Marchionis legalitas illibata temporibus retroactis, sed hoc detestabili sine totaliter denigrata, nil finistri, nil perfidi machinandi, plenam de ipso nobis fiduciam tribuisset. Quapropter Serenitati vestrae devotis humilitatis nostrae precibus supplicamus, quatenus pro recuperandis et repetendis liberis nostris, a materno gremio tam fraudulenter et dolose (ereptis), nec non exenniis nostris reha-bendis, vestrum nobis et serenissimo Domino nostro R. dignemini consilium impertiri; nos enim circa restitutionem clenodiorum vestrorum, quae idem Marchio cum caeteris occupavit, praedicti Domini nostri R. consilio parere et intendere volumus bona fide. —

Nach dem Original-Abdrucke aus dem Codex Trevirensis in Bodmann's Codex epistol. Rudolphi regis p. 108. 109.

CXCIV. Der König Rudolph setzt der verwittweten Königin von Böhmen 3000 Mark jährlicher Einkünfte aus.

Virtutum radiis illustrata, Domina Ch., inclita Regina Bohemiae, probitate sua nos compulit, et venusta morum honestate coegit, ut ei, quam duri temporis multipliciter angustavit acerbitas, et salubriter consolamus, et liberaliter succurramus. Decet quidem Regiae Majestatis honorem, ut eadem Domina, quae ad nostrae protectionis praesidium confidenter se transtulit, speratae gratiam pietatis inveniat, et a nostra Celsitudine amplius, quam sperare valuerit, consequatur. Sane cum de praedictae Dominae Reginae consilio et consensu, Regnum Bohemiae susceperimus sub certis pactis et conditionibus inter nos et ipsam habitis, pro utilitate et commodo liberorum suorum illustrium gubernandum, prout haec in aliis nostris litteris clarius exprimuntur, dicta Domina Regina cum instantia postulavit a nobis, ut determinatas possessiones et certos redditus assignaremus eidem, quibus vice et loco donationis sibi factae propter nuptias a quondam O. illustri Rege Bohemiae vitae suae temporibus uteretur. Nos itaque praedictae Dominae Reginae precibus favorabiliter annuentes, ei trium milium marcarum proventus et redditus assignamus, et faciemus assignari, videlicet Opaviensem provinciam etc. Quodsi forte viri fideles et providi, nec ipsi Reginae suspecti, quos ad hoc deputabimus, ut taxent et aestiment redditus, qui ex dictis bonis annis singulis percipi poterunt, nobis retulerint, quod proventus eorundem bonorum non sufficiant, ad com-

plendam summam superius, ex tunc de aliis bonis Regni Bohemiae, aut Marchionatus Moraviae procurabimus summam, quam supradiximus, adimpleri. Si vero redditus assignandi ultra summam praedictam taxati fuerint, tunc hoc, quod summam excedit, de assignatione, quam fieri volumus, deducetur; et si forte pars reddituum assignandorum evinceretur a Domina Regina, tunc in locum ejus, quod evictum ab ipsa fuerit, aliud, quod tantumdem valeat, reponemus. Ipsa autem Domina Regina praesentem assignationem grante a nobis suscipiens, se nobis ad certa pacta voluntarie obligavit, quorum tenor et ordo in litteris suis patentibus, quas super his nobis tradidit, plenius continentur. Ad haec praefata Domina Regina, si praemissa, quod ablit, infringere, a pactis et promissionibus nobis factis erit libera penitus et soluta.

Nach Sobmann a. a. D. S. 105.

CXCV. Die Königin Kunigunde von Böhmen verspricht eidlich dem Römischen Könige Rudolph, die mit ihm geschlossenen Verträge getreulich zu halten.

Post decessum clarae memoriae Domini et mariti nostri, quondam O. illustris Regis Bohemiae, adversitatum nobis imminentium innumerabiles impetus declinare volentes, ad Serenissimi Domini nostri Rudolphi, Romanorum Regis semper augusti, transivimus gratiam, spem habentes, quod idem nobis maritali praesidio viduatis, paternali clementia provideret; et quoniam idem Dominus sub protectione Romani Imperii favorabiliter nos collegit, nobisque terras, possessiones et redditus in vicem et locum donationis nobis factae propter nuptias a praedicto nostro quondam Domino et marito liberaliter assignavit, quae et qui in suis litteris propriis nominibus exprimuntur, in aliis quoque nostris petitionibus nostro beneplacito factus nobis placabilis benivole acquievit: nos vicem, quam possumus, reddere cupientes eidem, tactis sacris evangeliiis sibi promittimus et juramus, quod honorem suum et utilitatem semper promovebimus bona fide, et quod ad hoc omnem nostram diligentiam, operam et sollicitudinem impendemus, ut omnes tractatus, pacta, promissiones et placita inter ipsum et nos de pueris suis et nostris nuper facta, et omnia alia, quae in aliis nostris litteris sibi per nos datis exprimuntur, integre compleantur, et quod nulla occasione, nullo inductu, nullisque promissionibus inclinabimur in favorem vel partem eorum, qui impediunt in praesenti, vel impedire volunt impofterum, ut illae ordinationes et pacta et placita, de quibus supra meminimus, differantur, vel deficient, vel in parte aliqua immutentur, nisi prius ad hoc accedat praedicti Domini nostri Romanorum Regis beneplacitum et consensus. Illud etiam cavebimus toto posse et bona fide, quod nullum servitium, consilium, favor et auxilium de bonis et hominibus nobis assignatis fiat praedicti Domini nostri Rom. Regis inimicis praesentibus vel futuris, illis maxime, qui impedimentum praestant vel praestabunt, ne pacta, conventiones et placita, inter Dominum nostrum, et nos habita, de quibus supra diximus compleantur. Haec omnia et singula de certa conscientia nostra, et habito sanae deliberationis